

- Ich dacht mir: Ach got, was bedeuts?  
 Erseufzet darob trauriglich,  
 20 gedacht, wie wenn die totenleich  
 doctor Martinus Luther wer?  
 In dem trat aus dem chor daher  
 ein weib in schneuweißem gewant,  
 Theolooia hoch genant.  
 25 Die stund hin zu der totenbar,  
 sie want ir hent und raust ir har  
 gar kleglich mit weinen durch brach.  
 Mit seufzen sie anfieng und sprach:  
 Ach das es müß erbarmen got!  
 30 Liegst du denn iezt hie und bist tot?  
 O du treuer und künner helt,  
 von got dem herren selb erwelt,  
 für mich so ritterlich zu kempfen,  
 mit gotes wort mein feind zu dempfen,  
 35 mit disputiern, schreiben und predgen,  
 darmit du mich denn tetst erledgen  
 auß meiner trübsal und gezwengnuß,  
 meiner babylonischen gfeungnuß,  
 40 bis schier in die vergeßenheit,  
 von mein feinden in herzenleit,  
 von den mir mein schneuweißes kleit  
 vermeiligt wurt, schwarz und besudelt,  
 zerrissen und scheußlich zerhudelt.  
 45 Die mich auch hin und wider zogen,  
 zerkrüppelten, krümbten und bogen.  
 Ich wurt geradbrecht, zwickt und zwackt,  
 verwunt, gemartert und geplagt  
 durch ir gotlose menschenler,  
 50 das man mich kaum kunt kennen mer.  
 Ich galt entlich gar nichts bei in,  
 bis ich durch dich erlebigt bin,  
 du teurer helt, auß gottes gnaden,  
 da du mich waschen tetst und baden  
 55 und mir wider reinigst mein wat  
 von iren lügen und unflat.  
 Mich tetst du auch heilen und salben,  
 das ich gesund sie allenthalben,  
 ganz hell und rein wie im anfang.